





Cu
8178



Lon 8178







Compté

Nach P. Schwenke: Hans Weirich S. 43
ist jedenfalls Johann Fr. v. Schwarzenberg
Verfasser.

Königsberg 1526: Hans Weirich.

1. XII =

5



Des heylgen Geysts /

deutlicher warnungsbrieffe vnnnd
Brandtzeichen / dabey die tei-
ffels lerer 2cf. vffs allerhörs-
gest vnnnd gewießlichst /
guckennen findt.

Vnnnd wirt ynn diesem libell / zu
ableynung etlicher der widder
theyl vermeynten Eynrede /
vnd sonstn etwas wey-
ters funden / weder yn
dergleychen Brieffe
zum anschlahen
gedruckt / hat
kunnen
konnen.



Eyn warnung brieff bin ich genant:
vom heylgen geyst zu euch gesant.

Dy teuffels lerer mach bekant:
vnd czeyg an yhren rechten brant.



Gnad von Gott dem Vatter/vnnd
vnserm herrn Ihesu Chrusti 126.

sach nach:
gender pro:
phecey.

Act. 9.
Lob der
pfaffen ee.

Des heylgen
geysts deut:
lich sag.

Derweyl der heylig götlich geyst/ von ewigkeit den ab:
sal/vñ grose verthümliche verfürung/so yn diesen letz:
ten zeyten vor dem ende der welde/durch etliche gescheen solle/
gerwyft. Auch das an vil ortten/durch die propheten vnd Apo:
stel verkündige/So hat er vns allen ezuletzt/auff seyner vnauff:
sprechlichen gütigkeit/feierigen liebe vnd gnaden / solche ver:
fürer/durch eynen offentlichen warnung brieffe/den er dem heyli:
gen Apostel/ als eynem außserwelten fass Chrusti / selbst deut:
lich zuschreyben angeben/ aufs aller bekentlichst machen wöls:
len/Wan als dyser heylig Apostel ynn seyner ersten Epistel/die
er zu seynem yüngern Timotheo schreybt / für die fordersten
eugent eynes Bischoffs lautter anzeygt/ das er eyn man eyns
weybs seyn/vnnd wolgezogene kynder haben/vnnd dieselben
weyber auch redlich/nicht lesterin/nüchtern/vñ erew yn allen
dingen seyn sollen. Desigleychen andern yhren kirchen dienern
auch zugibt 126. Spricht er gleych alsßald darnach yn seynem
vierdten Capitel auff obgemelte seyne vorgeende wortt/ also.
Aber der geyst sagt deutlich/Das yn den letzten zeyten/werden
etlich von dem glawben abtretten/vnd anhangen den yrrigen
geystern vñ leren der teuffel/durch die/so yn gleyßnerey lügen:
reder sind/vnd Brandemal yn yhren gewissen haben/vnd ver:
bieten eelich zuwerden/vnd zu meyden die speyß/ die Got ge:
schaffen hat czunehmen mit danckfagung/ den glawbigen vnd
denen die/ die warheit erkant haben. Dañ alle Creatur gottes
ist gut/vñ nichts verwerfflich/das mit danckfagung empfan:
gen wirdt / dann es wirdt geheyliget durch das wort gottes/
vnnd das gebett / wann du den brüdern solchs furheldest/ so
wirstu eyn gutter diener Jesu Chrusti seyn/aufferczogen yn den
wortten des glawbens vnd der gutten leer/der du bißher nach
kommen biß 126.

Wen 8 heylige
geyst mit obge:
nelter prophe:
cey meynt.

Domit nun ganz vnzweyffentlich verstanden werde/wen
der Apostel mit gefazter seyner prophecey / die er nach deutli:
chem angeben des heylgen geysts beschrießen/meyne. Ist erst:
lich gar eben czumercken/das der Apostel dieselben ganzen er:
sten epistel

sten Epistel/zu seynem yüngern Timotheo nit auff zwey mal
oder geteylt/sonder aneynander/wie yn dergleychen Sendbri-
effen gewonlich ist/vngeteylt geschrießen hat/ das aber nach-
mals solche eyniche ganze erste Epistel odder Sendbrieffe /
durch andere lerer yn etliche Capittel geordnet/wie derhalben
yetz erfunden wirt/ist alleyn von besserer merckung vnnnd be-
heltnus wegen der leser beschehen/ Darumb vnd dieweyl der
Apostel yn solchem seynem dritten Capitel/ der Bischoff vnd
yhrer diener eelichen stand/als hoch erhebt/ das er den für der
fordersten tugent eyne der Bischoff/ lobt/ vnd gleych alsbald
ym anfang/ obgemeltes negsten darauffvolgenden capittels/
spricht. Das aber der geyst deütlich sage/das yn den letzten zey-
ten/oberzeltermassen/etliche vom glawben abtreten/den yrr-
igen geystern vnd leren der teüffel/yn gleyßnerey vnnnd lügenres-
den anhangen/vnd Brandmal yn yhren gewissen haben wer-
den 2c. So kan/sol/oder mag derhalben/nach rechter art vñ
eygenschafft der Grāmatica/vnnnd aller ordenlichen verstē-
lichen sprach vnd rede/keyn anders/ dan das verbot derselben
Bischof vnd yhrer kirchen diener eelichen stands (dauon der
Apostel yn den negsten vorgehenden worten alleyn/vñ von key-
ner andern Le redet/ vnd yhrehalben so hoch lobet vnd pries-
set) verstanden werden.

Vnd dieweyl dann vñher allen denen/die Christen namen
haben wollen/ alleyn die Bepstischen/ allen Bischoffen vnnnd
yren kirchen dienern/ eelichen stande dermassen verbieten/das
sie nymande (er sey wer er welle) zu solchem yhrem genanten
geystlichen stande/ derselben ehr/ wyrd/ oder nützung künmen/
oder dabey bleyben lassen/er habe dann keynen eelichen stand/
vñ verzeyhe sich desselben füro seyn leßenlang. Entsetzen auch
die yhenen/so yn gemelten stenden eelich werden (aber derma-
ßen von offenklicher von Gott verbotener hurerey wegen nit)
solchs yhres stands/sampt aller desselben ehr/ wyrd/ vnd nüt-
zung/ vnd verbieten yhne darzu entweder etliche Land/ oder
straffen die yezuzeyten/ ynn harter greüßlicher gefengknus/
oder sonst/an yhrem leyb oder leben/als die aller ergsten keizer
vnd vbelcheter/ als vil yhnen möglich ist/ dan wos sie solcher
6 straff/

straff/an etlichen ortten/do es die chrislichẽ zeytelichẽ Obri-
gkayten nit leyden wollen/auff yhrer vnmöglicheit/oder derhal-
ben menschlichen forchteten schadens vnderlassen müssen/
hierynnen gantz vnangesehen/ob denselben/on eelichen stand
keuschlich zuleben (wie Math.xix.funden wirt) von Got ge-
geben ist oder nit/ von wem soll/kan/oder mag dan/obgemel-
te deutliche propheetey anderst weder von solchen Bepstischẽ/
die als eyner vnzeligen grossen zal/genants gantzen geystlichẽ
stands/die ee so hoch verbieten/vnnd hefftig straffen / gesage
seyn? Wan auch sonsten nymand der Christen namen haben
wil/von anfang der kirchen bisanhere/den eelichen stande als
ler Bischof vnd yhrer kirchen diener (davon der Apostel diß
orts alleyn redet) dermassen verboten vnd gestrafft hat/dann
wes durch die Bepstischẽ / ynwendig iiii.hundert yaren aller-
erst etlich bescheen ist. Wann wiewol die Bepstischen schrey-
ben / als solt das verbot yhres gnanten geystlichen stands ee/
bey zeyten des Papssts Calixti angefangen haben/ So erfin-
det sich doch nit/das es damals (ob gleych der zeyt davon ge-
handelt) yn würckliche vbung kumen ist/bis vff die zeyt Gre-
gori des sitzenden/welcher davor hilpandt geheysen/vñ eyn
monch gewesen/der dan diß verbot/wider vil Christlicher (vñ
sonderlich der Teütschen) pfaff heit treffenliches widderspres-
chen/ynwendig obbestympter yar ynn der Römischen kirchen
beschlossen / vnd mit Tyrannischen thatten/ zu handthaben
angefangen. Wiewol es sich dannost darnach yn der Römischen
kirchen an etlichen ortten bey ij.hundert yarn/nach ob-
genants Papsst Gregorius zeyten fast gespert hat / wie dann
das/yn dem Bepstischen Decretal. de Cleri.cõiuga. auch auff
was geizigen vrsachen (wiewol vnter fürgewantem guttem
scheyn) solche geschehen ist / klerlichen funden wirt. So hat
auch die gantz Briechisch kirch / solch verbot der Römischen
kirchen nye angenõmen. Vnnd haben diese freyenliche Bepst
vñ Concilia/yhrem genanten geystlichen stande die ee/nit al-
leyn widder obgemelte vnd andere offentliche götliche satzũg/
sonder auch widder etlicher davor beschehener treffenlicher
Concilia beschluß/verbotten.Wann wiewol das Conciliũ zu
Nicaea/ym Bepstischen Decret dist.17.c.sicut. den Euangelien
gleych geacht wirt.vnd dasselbig Conciliũ beschlossen vñ ge-
sagt

4. vñ 12. p.
und das
es
12. p.
12. p.

sagt hat/ das der ehelich standt den pfaffen an yhrem ampte/
 nit verhynderlich seyn solle/wie sich das ym Bepstfischen De-
 cret./dist. 31.c. Synod².offenlich erfindet. Auch das sechst Con-
 cillium./dist. 31.c. Quoniā. die ordnung der Römischen kirchen/
 vom verbot genants geystlichē standts ee/ verwürfft/vñ wel-
 cher dieselben ee scheydet oder verlest/verbannet. Dergleychen
 an andern mer ortten yn yhrem genanten geystlichen rechten/
 Als nemlich 28.dist.c. Si quis. vnd 28.c. Si quis discernit. Vñ
 dann aber eyn treffenlich Conciliū das man nennet Gangren-
 se vnd Sertā synod²/ alle die verbannet/die/ die priester der ee
 halben yhres amptes vnwürdig vuteln wollen. Ferner 23.dist.
 c. His igitur. Als doselbst vil gesage vñnd erklert wirt/ was die
 genanten geystlichen/ für sichlich vñ Christlich tugent an yhne
 haben sollen/ stet dabey/ das sie sich Keynigkeit/eynes keuschē
 leybs/ewiglichen zuhalten besleyssen/oder aber gewieß/eynes
 bands der ee/verpflichten sollen 1c. Vñnd diese yhr genante
 Recht/werden hie nit von des wegen/ als solt on das götlich
 schrift nit genug seyn/Sonder alleyn darumb angezeygt/das
 dobey verstanden werde/welchermassen die Bepstfischen wid-
 der die Cöcilischen beschluß/ wue sie mit götlicher schrift lau-
 ter styimen/gebieten/vñ wes die Concilia wider helle götliche
 schrift gebieten/ als freyenlich handhaben/ vnd sich damit/
 dest offenklicher vñ gewießlicher fur das recht widerchristlich
 Regiment (davon alle prophecey sagt) bewerben.

Das aber wider das alles/obgemeltes verbot genants geyst-
 lichen standts ee/enelich vmb geytz vñ genieß willen/gescheen
 sey/das kan der Bapst Pelagius selbst nit verschweygen/vñd
 spricht.die ursach / von derwegen die erst oder furnembst sa-
 zung/welche verbeit/das die/die Leweyßer vñ kynder haben/
 nicht sollen Bischoff werden/ ist/Das der kirchen güter der-
 halben mochten yn gefar steen 1c. Darum als gnanter Babst
 damals/vnangesehen gemeltes verboets der pfaffen 1c/ eynen
 Bischoff der weyß vñd kynder hette/bestettiget/ ordent er das
 derselbig Bischoff dermassen Caucion vñ bestale thun mußt/
 das dadurch seyner kirchen/weder durch sich/seyne weyß/ky-
 der/heymisch odder frembd personen/yhre zeyteliche gutter nie
 entzogen odder gemyndert wurden / wie sich das erfindet ym
 Bepstfischen Decret dist. 28.c. de Siracusane vrbis.

Sehet an/wie gannz die Bepstischen den gotlosen/ vndischen phariser/nachfolgen/die Luce. xvi. Christi von wegen seynen leer/die er zuuerachtung zeylicher gütter thette/vmb yhres geytzwillen auch verspotten/ Darumb Collos. iij. der geytz eyn Abgötterey. vñ Ephe. v. die geyzigen gözen dier genant. vnd. i. Timoch. vi. spricht der Apostel/das die/der warheit beraubt sind/ die do meynen/gotseligkeit sey vmb geynieß willen/ vnd das geytz eyn wurzel alles vñsels sey/ welches etliche gelustet / vnd vom glauben yrr gangen sind. Desgleichen geyge der Apostel ij. Petri. ij. diese falsche / geyzige lerer/ auch vñs klerlichst an vnd spricht. das sie den herren verlaugen/ vnd den weg der warheit verlestern/ vnd durch geytz mit erdichten Worten an den menschen handiren werden. 1c.

Grundige verwerffung/ etlicher

vermeynter nichtigen entschuldigung der Bepstischen.

Vñs aller spölichst ist zuhören/ das etliche Bepstische Canonisten vñnd Sophisten/ zu vnderstandener verkerung des Apostels vorgemelten klaren Epistel (vom loß der Bischoff vñd yhrer diener ehe/sagent) dörfen fürgeben/wes gedachter Apostel/von genants geystlichen stands ee/gesagt vñ gepreyß habe/sol dafür verstanden werden/ das eyn Bischof nit mehr dann eyn kirchen odder Bistumb/ vñnd der andern eyner/ eyn pfrund haben solle 1c. vñd geschweygen das der Apostel dabey spricht. Wie der Bischof vñd yrer kirchen diener eueweyber/ sollen seyn redlich/nicht lesterin/ nüchtern/ vñd trew yn allen dingen/auch wolgezogene kynder haben/Welche eygenshafte alle/doch/solchen habeten kirchen/ Bistumben vñd pfrunden mit nichte zuzugeben ist. Es thondt auch dabey nit besteen/ das der Apostel diß orts/auff solch loß/gemelter ehe/ als bald erzelt/ wes der heylig geyst wider solche verbieter (als obset) deñlich saget/ So doch der heylig geyst vñ das aller vñdeñlichst geredt/wo er mit solcher heftigsten straff/ wider die verbieter der ee außgesprochen/ynn diesem fall kirchen/ Bistumb/ vñd pfrund gemeynt/ vñd dieselben gemelten redlichen/vñnlesterlichen/ nüchtern vñd getrewen weybern vñd wolgezogen kyndern/ vergleycht hette. Wie ganz offenklicher widderwertiger weyse/sie aber an vil andern orten götliche schrift zuverkeren vñdersteen/also thun sie hie auch.

Esen

Eben als widerwertig ist/das sie sich von der erzelten/ des Apostels deutlichen prophecey/mit weytern lamen possen zuschuldigen vnderstehen döffen / das sie dermassen sonsten nymant/dann alleyn yhrem genanten geystlichen stande/ von wegen geystlichers lebens/ vn̄ nic vmb hurerey willen (die als eyn myßbrauch bey etlichen zusalle) verbieten/vnd wer eelich werden wölle/mög yn weltlichem stande (als sie vns nennen) bleyben/ dem sey die ee vn̄ verboten/ des vermeynens / dyweyl sie also alleyn yhrem genanten geystlichen stand/vnd sonst nie allen menschen die ee verbieten/das sie darumb obgemelte des Apostels prophecey/widder die verbieter der ee geschriben/nic angeen solle 1c.

Andere ab-
leynung.

Wo nun des heylgen geysts meynung gewest were/ mit gemelter prophecey/die der Apostel (seynem selbst anzeygt nach) auß des heylgen geysts deutlichen sage / alsbald auff hohes loß / genants geystlichen stands ee lautter außspricht vnd anhenckt/die verbieter eben derselben pfaffen ee/voierzeltermassen nie offentlich zusstraffen vnd zuczeychen/ So hett sich gebürt denselben außschluß/ynn eyner solchen vn̄geteylten/ vnd sonderlich gemelten deutlichen des heylgen geysts rede/solcher gestalt zumelden/ Das derhalben die künfftigen verbieter genants geystlichen stands ee (die doch der heylig geyst von ewigkheit gewist) dadurch nie vnschuldigklich/ als abtreter vom glawben/anhenger den yrrigen geystern vnnd leren der teüfel/ yn gleyßnerey lügenreden/vnd Brandmaleter gewissen gehalten/vn̄ verleümet würden/ Dieweyl doch der heylig geyst/eyn erklarer der götlichen warheit/vnd verkünder künfftiger ding/von Christu genant/ vnd fürnemlich an diesem ort/ das seyn sag deutlich bescheen/durch den Apostel bezeugt/ welchs außschluß aber mit eynem eynichen wort/ silben oder buchstaben/ nyndert gedacht wirt.

Johan.xvi.

Darzu/dieweyl Got der herr den eestande als für eyn eynig vn̄strefflich mittel / dardurch alles menschlich geschlecht gemert vnd erhalten werden solle/ eyngeſetzt/ Auch mit wortten vnd Exempeln gepreyſt hat/ vnd yn götlicher schrift nyndert eynichem stande verboten ist. Aber yn den zehen götlichen geboten/nic alleyn alle wirkliche v̄bung der vn̄keüſcheit/außers halben der ee/sonder auch die begird derselben/ bey ewiger ver

Gen.2.
Matth.19.
Luce.1.
Johan.2.

thumnuß selbst lautter verbeut/ vnnnd darumb Ephe. v. diesel-
ben vneelichn hurer/götzen diener/mit versagung hymelischer
erbschafft genant/ Vnd wir 1. Corint. vi. ermant werden/ mit
derselben hurer keynem (die sich Brüder nennen lassen) zuschaf-
fen zuhaben/ So hett dem heylgen geyst nit gebürt/ die yenen/
so der Bepstischen erdichtem fürgeben nach/ allen menschen
eelichen stand verbüten/ obgemelter massen vnther andern/
auch gleyßner zunennen/ Diweyl doch der namen Gleyßner
oder Heuchler/ den offentlichen sündern durch Christum nym-
dert/ aber alleyn den abgesünderten/ die argz vnther guttem
scheyn vnnnd hübschem gleyssen (wie obgemelter massen die
Bepstischen fürgeben) zugelegt/ als das an vil ortten der Euā-
gelia/ vn̄ sonderlich Matth. vi. vnd xxiij. vnd Luc. viij. funden
wirt. Vnd zeygt der Apostel ij. Corint. xi. an/ das sich die fals-
chen Apostel zu Christus Aposteln/ vnd der teuffel yn eynen
Engel des liechts/ verstellen. Welcher gut scheyn oder gleyssen
aber/ denen mit nichte zugeben werden khondte/ die allen men-
schen oder Christen die ee verbüten/ Diweyl doch auß solchẽ
verbot entweder alles menschlich geschlecht/ odder alle Chris-
ten gar bald vergeen/ oder aber von notwegen außershalb der
ee gemelte von Gott verbotene hurerey/ offentlich/ on alle Be-
schönung/ eynichs gutten scheyns oder gleyssens (dauon ob-
gemeltermassen gedachte gleyßner yhren namen haben) zuge-
lassen vnd erlaubt werden müste. Darumb dieselbigen verbie-
ter/ aller menschen oder Christen eestande/ nach gemeynere are-
vnd eygenschafft göelicher schrift (angezeygtermassen/ durch
des heylgn̄ geysts deüliche sage) gar vil weniger/ weder (mit
züchten zumelden) offentliche hurenwirt/ die yderman yn yren
heüßern/ hurerey zutreyben/ erlauben vnd gestatten/ gleyßner
genant werden khondten oder mochten.

Handwritten: a. Nach
Noch eyn andere weytere galgenfrist/ süchen die Bepstis-
chen mit dem/ das sie vber das alles/ gannz widderwertiger
weyse fürnemen/ diese prophecey vnd deüliche sag des heylgen
geysts/ von yhnen/ auff die Tatianischen Ketzer zu nōten vnd
zuzwingen/ wann wiewol dieselben Ketzer gehalten/ als solt
eelicher stand nit on sund angenōmen werden können/ So ha-
ben sie doch darumb den eelichen stande nymandt verbotten/
vnd noch vil weniger die annemer desselben (wie die Bepstis-
schen

schen thun) weder an leyß/leben/ odder gütern 2c. gestrafft.
vnd zusetzen das die Tatianer oder ander dergleychen verbot
auch gethan heeten (das sich doch nit erfindet) kontde gemel-
tes der Bepstischen verbot/ als wenigst / als ymandt vil gesel-
schafft yn der sund oder ketzerey/entschuldigen.

Eteliche Bepstische geben noch eynen Seltsamen trawm
fur/ als solt auß der ersten Epistel zu Thimotheo am funfften
capitel eyn Apostlische ordnung/zuverlobung eelichs stands/
ettlicher erwelten witwen halben funden werden. Daraus sie
abermals gern erzwingen wolten/als solt yhr vermeldtes ver-
bot aller vilgedachter paffen 2c/ dadurch/von des Apostels
prophecey (wider alle verbieter der ehe gethun) entschuldige
werden können 2c.

Antwort/wiewol vorne neulich/da vom dritten vñ vierten
capitel der ersten epistel zu Thimotheo gehandelt/gar klerlich
erzelt/wie der Apostel diese erste ganze Epistel zu Thimotheo
auff eynmal/vnd yn eynem eynigen vngeteylten sendbrieff ge-
schrieben hat/vñ die ordnung aller derselben Epistel Capitel/
nachmals von andern lerern vmb besser merckung willen der
leser/geschehen ist/so will ich doch solchs gegen dem / das die
widerteil auß derselben ersten Epistel am funfften Capittel ob-
gemelter massen anczyhen/vmb verstendlicher verwerffung
willen desselben/hie auch ernewert/vnd wider zu gedechtnus
gefurt haben.

Nun erfindet sich yn solcher ersten Epistel zu Timotheo
geschriben/ym dritten Capittel/das der Apostel aller Bischof
vnd yhrer kirchendiener ehelichen stand/ vffs hochst lobt vnd
preyst/vñ ym nechst darauff genden vierten Capitel/ die ver-
bieter der 2c (derhalb keyn person oder standt außgenommen)
nach deütelichem eyngeben des heylgen geysts/vffs hochst vñ
offenlichst strafft vnd zeychent/als vor klerlich erzelt ist. vnd
diuweyl dann der Apostel yn diser ersten Epistel am.v. Capie-
tel/von der witwen standt auch redet/was wer es dan fur eyn
lesterlich zumessen dem Apostel/ das er alßbald an disem ort/
ee er gemelte Epistel vnd sendbrieff gar außgeschriben/solcher
seyner darynnen vorgehenden lauttern lere vnd deütelichen pro-
phecey zuwider/den verbiatern der ee zu gut/solchs ordnen ob-
der zulassen solte? Aber zu derhalben klerlicher gruntlicher ab-
leynung

Vierdte abley-
nüg vñmeinter
eynrede auß. 1.
Timoth. 5.

solchs Bepstischē furgebens. Vñ das diß der Bepstischen an
gezogen Capittel mit keynem wortt / eynicherley verlobung
odder verschwerung / ymandes Ehestande / zulest / odder or-
dent / wollen wir nit alleyn der widderteyl wort / die sie auß ge-
meltem funfften Capittel klauben / sonder was darynnen wey-
ter steet (so vil angezogene ee vnd witwe standt betrifft) auch
erzelen. Vnd spricht der Apostel diß orts zu Timotheo also.

Ere die witwen / welche rechte witwe sind / so aber eyn wie-
we kynder odder neffen hat / solche laß zu vor lernen / das yhr
eygen heisser gotselig seyen / vñnd gleychs vergelten den vorela-
tern / daß das ist wolgechan vnd angemem vor Got. Welche
aber eyn rechte witwe ist / die nymandes zu versorgen hat / vnd
eynsam ist / die hat yhr hoffnung auff Got gestelt / vnd bleybe
am gebet vnd flehen tag vñ nacht. Welche aber yn wollusten
lebet / die ist lebendig todt. Solchs gebeüt / auff das sie vnverta-
delich seyen. So aber ymādt die seynen / sonderlich seyne hauß
genossen nit versorget / der hat den glauben verleignet / vñnd
ist erger den eyn vngläubiger.

Last keyn witwe erwelt werden vnter Sechzig yaren / vnd
die da gewesen sey eyns mans weyb / vnd die eyn zeügnuß hab
der guten werck / so sy kynder auffgezogen hat / so sy gastfrey
gewesen ist / so sy der heylgen füeß gewaschen hat / so sy den
trübseligen handtreychig thon hat / so sy allem guten werck
nachkūmen ist. Der yungen witwe aber entschlahe dich / dann
wan sie geyl worden sind wider Christon / so wollen sie freyen
vñ haben yhr vrtel / das sie den ersten glauben verbochen ha-
ben / daneben seynt sie faul vñnd lernen vmblauffen durch die
heüßer / nit alleyn aber sind sie faul / sonder auch schwerzig vñ
fürwitzig / vnd reden das nit seyn solle.

So wil ich das die yungen witwen freyen / kynder tragen /
haußhalten / dem widdersacher keyn vrsach geben zuschelten /
daß es sind schon etliche vmbgewant dem Sathana nach.

Auß allen oberzelen des Apostels worten / erfindet sich nit
alleyn keyn Apostlische ordnung / das die witwen ehelichen
standt verschweren sollen / Sonder wil der Apostel mit auß-
drücklichen ernstlichen worten / das die yungen witwe freyen /
kynder tragen / vnd keyn witwe (versee zu gemelter vnterhal-
tung

nung / wie der Text hernach daß erklet) erwelt werden solle/
sie sey dan sechzig yar alt / vnd nur eyns mans weyb geweest/
vnd hab gute geügnuß mit erzyhung der kynder/vñ vbung
Barmhertziger werck 1c. Aber bey aller gueten schicklicheit/die
der Apostel von denselben sechzigk yerigen erwelten witwen
erfordert/ meldet er dannost nit mit eynem eynigen wort/ das
sie die ehe verschweren sollen/ odder verschworen haben/ So
wil er/das zu solcher erwelung gar kein yunge witwe gelassen
werde. Als er aber spricht/das die yungen witwen / die wider
Christon geyl vñ leichtfertig worden sind/vñ freyen wollen/
den ersten glauben verbrochen/ vnd yhr vrteyl haben 1c. das
etliche Bestische dahyn zyhren vñ deuten wollen/ als sey eyn
Apostlische ordnung gewesen / das dieselben witwe ehelichenn
stande haben verloben müssen/ welche glüß die yungen wit-
we nit gehalten/vnd derhalben vom Apostel als verbrocherin
des ersten glaubens vnd verfallen vrteyls/ gestraft werden sol-
len 1c. Davon sagt der ganz text keyn wort/ Sonder thun die
widerteyl damit eben / als solt yhr erdichte verlobung der 1c/
darumb das yhne vnnd dem teuffel/ des lere sie (vorbewerter
massen) anhangen/ souil daran gelegen ist/der erst glaub/vñ
außerhalb der vberfarung solcher glüß/ keyn verbrochner
glaub oder strefflich vrteyl seyn. Damit wir nun zu solcher of-
fenlichn verwerffung nit weyt gehn/wirt eben yn obgesagtem
text/ gar eyn wenig vor obgemelter der widerteyl/ darauff an-
gezogen worten/durch den Apostel auch gesagt/ das die yhe-
nen so die yhren/vnnd sonderlich yhre hawßgenossen (odder
hawßgesynde) nit versorgen/den glauben verlaugent/vnd era-
ger dan eyn vnglaubiger sindt 1c. Vnnd volgt doch derhalb
ym Text oder sonsten nit/das solche hawßherrn odder hawß-
frawen darumb/weder verlobten eestandt/odder andere leyb-
liche gelüß odder eyde/verbrochen haben/ als auch weder ge-
breuchlich oder gewonlich ist / das die hawßherrn oder hawß-
frawen (so dermassen hawßgesynd zuversorgen gebürt) Eeli-
chen standt verschweren/oder aber solchen yhren hawßgenos-
sen oder hawßgesynde/von wegen gemelter yhrer versorgennuß
gelüß odder ayde thun/Sonder dieweyl sich solche versorg-
nuß on das/auß Christlicher von Got gebotner ließe gebürt/
nennet es der Apostel (so das nitt geschiet) eyn verlaugnung

Röm. 6.
Collo. 2
Ephe. 5.

des glaubens. Dergleychen er ym nechsten vorgehenden tit. ca. 1
pittel. die verbieter der Le vnd speyß / auß deßlicher angebüß
des heylgen geysts / auch fur abtreter vom glauben offentlich
anzeygte / so schreybt ye der Apostel diesen witwen keyn verbie-
chung eynicher gelübd zu. Warumb aber der Apostel diese
witwe verbrecherin des ersten glaubens / vnd empfangner vr-
teyl nennet / geben diese seyn wort auff das aller offentlichst vñ
vngweyßentlichst / do er (wie oben ym Text steet) erzelt / das
sie widder Christū geyl worden (merck eben widder Christū
geyl worden sind) Vnd alsbald weyter spricht. Daneben seyn-
te sie faul / vñ lernen vmblauffen durch die heißer / Auch schwer-
zig / fürwitzig / vnd reden das nit seyn soll / So wil ich das die
yungen witwen freyen / kynder tragen vñnd hauffhalten / dem
widdertheyl keyn vrsach zuschelten geben / dan es sind schon
etlich vmbgewandte dem Sathan nach zc. Das seyn ye gute
lauttere wort / das sy der Apostel von deßwegen / das sy frey
en wollen (dieweyl er doch solchs von yne gehabt habñ wil)
nit / sonder alleyn von oberzelter yhrer vnzüchtigen geylheit
widder Christū / vñ das sy sich dem Sathana nach gewendet /
dermassen nennet vnd straffet. Vnd wer darff sagen / das als
so wider Christū geyl vnd leycheftertig werden / vnd sich dem
Sathana nach zuwenden vnd keren / den ersten glauben / dar-
zu wir vns alle anfenglich yn der tauff mit Christo / vñ wir
der alles vngötelich wesen / verbinden / nit / verbrochen sey / vnd
das darumb dieselben von got nit strefflich vrteyl empfa-
hen / Dieweyl doch das götelich gesetz / nit alleyn eüsserliche vnkeu-
sche werck / sonder auch Math. v. vñnd Röm. vij. ynwendige
begird vnd gelust derselben / so hoch verbeitet Vnd der Apostel
ij. Corint. vij. aller vnglaubigen verbindung / mit Christo eyn
vermehelüg nennet & Oder wer kan eyn andere verpflichtung
derselben ersten Christlichen verpflichtung / yn dem / oder an-
dern fellen fürsetzen & oder sagen / das durch gemelter witwe
vberrettung / vnd nachwendung dem Sathana / solcher erst
glaub nit verbrochen sey / vnd derhalb von Got nit yhr vrteyl
empfangen habent

Czu dem geben des Apostels erzelte wort lautter / welche
witwe damals ynn gemeyne vnderhaltung erwelt / das diesel-
ben ynn solchem yrem anfenglichen auffnehmen / vnleycheftertig
tigs

tigs wesens halben/guts glaubens gewest sein müssen/so dan
nachmals (wie der Apostel erzelt) geylheit / leychefertigkeite /
vnd wendung dem Satana nach/ von yhnen offensar wor-
den/mag nach allen gewonlichen/ordenlichen reden/ wol ge-
sagt werden/das sie denselbñ ersten gutten gehabtē glauben/
auch verbrochen vnd verloren/ vnn̄d darumb yhr vrteyl/ nie
alleyn bey Got/sonder auch bey den menschen dergestalt emp-
fangen haben/das sie furo nymer fur rechte erbare witwe/son-
der fur leychefertige/sundliche/ergerliche weyßer (die gmeiner
haltung nie mer würdigk) zuhalten seyn. Vnn̄d damit solche
~~vnter~~ leichtfertigkeit vñ ergernuß bey den witwen/die also der
zeyt auff gemeynen Costen erwelt/vñ angenūmen werden sol-
ten / furtūmen wurde / wil der Apostel alleyn die obgemelten
sechzig yerigen/tugentlichen rechten witwe erwelt zuwerden/
außdrücklich vnd ernstlich gehabt haben. Meldet aber dan-
nost mit keynem wort/das sie darumb mit eynicherley gebot-
ten/gelübden oder ayden (on Eelichen stande keüschlich zule-
ben) beladen werden sollen oder mögen.

Aber zusetzen/das des Apostels meynung gewest/dieselben
sechzig yerigen erwelten witwe/ dermassen mit gelübden vnd
ayden zu verpflichten/furo yhr lebenlang keynen Estande an-
zunemen/vnd solchs Exempels weyß zu vermeynter vertedi-
gung/offtegemelter yrer verbotten pfaffen ee/ auch zyhen wol-
ten 2c. (Das sich doch mit keynem wort/sonder gantz der wi-
dersynn auß obgemelten dreyen capitteln / derselbigen eynigen
ersten vngeteylten epistel vnd Sendbüefs/erfindet) Was het-
ten sie damit anderst erstritten/dann das sie demselben yhrem
angemasten exempel gemess/ auch keynem Bischoff odder Kir-
chen diener yhre verschwerung eelichs stands/vnter sechzig
yaren seines alters (wie der Apostel der erwelten witwen halb
ernstlich vnd gebietlich setze) gebieten / noch die vnter solcher
anzall yare auß yhne ehelich wurden/ straffen dorfften. Wie
aber die Bepstischen dysen yhrem selbst angezogen vermeyn-
tem exempel/gantz zuwiddere/offenlich yn yhre genante Rechte
bücher vnd Statuta/ setzen vnd ordnen/ das zu yhren ange-
masten geystlichen Stenden/vnd derhalb ewiger verpflichter
keüschheit/achzehen yerige mans/ vnd vierzehen yerige weyßs
personen/ynn so grosser vnzelligen zall angenūmen werden
c ij sollen

sollen vnd mögen. Welche mans person dan/xxiij. jar erfüle
haben/werden zu Prelatum vnnnd Seelsorgern/ zugelassen/
welcher anderst yn wenigern yam mit gele/zu genantem Pri-
esterlichen stande nie che künfft. Ich geschweyg hie (dieweyl
wir yetzo von derselben matery nitt handeln) offentlicher Sy-
money/hurerey/vnd anderer lesterlichen vnnnd ergerlichen vn-
schicklicheit/ die sie zu solchem yrem annemen nitt verhyndere/
die doch gar vil billicher zu diesen genanten geystlichen Sten-
den nitt zugelassen werden solten/weder der Apostel der vnez-
lessigen witwe halb (als obster) gebeüt.

Das aber gemelte erwelung der alten tugentlichen wol her-
kūmen witwe/auff gemeyns vnterhaltung der glaubigen / ge-
schehen solle / wie ~~ih~~ oben davon gesagt ist / erzelt der Apo-
stel yn gemeltem funfften capitel dem Timotheo/auff den ob-
gesetzten text weytter auch/vñ spricht. So aber eyn gläubiger
oder eyn gläubiginne witwe hat/der versorg dieselben/vñ laß
die gemeynde nicht beschwert werden/ auff das die/ so rechte
witwen sind/genug haben 1c.

Damit seyn alle worte des obgemelten funfften capittels
der ersten Epistel zum Timotheo geschrießen (so vil witwe vñ
ehelichen standt betrifft) lautter angezeyt/ darynnen aber nie
eyn eynig wort/sylb oder Buchstab funden wirdt/ das zu der
Bestfischen vermaynten behelff dienet.

Fünffte abley-
nüg eyner eyn
rede auß.1.Co-
rinth. viij.

Dieweyl die Bestfischen ye gern ynn diesen vnnnd andern
vil artickeln/die yhrer eygennütigen versörung widerstreben/
nit alleyn genanten heylgen Paulum/Sonder auch dem heyl-
gen göelichen geyst / yn der selben propheceyen vnd göelichen
leren/yhnen vñ yhrem schwarzen geyst gleych/entweder dun-
ckel/oder aber wandelbar vnnnd vnbestendig machen wolten/
massen sy sich auch an / yhr vorbewerte vnchristliche verbie-
tung yhres genanten geystlichen stands ee/noch an eynem an-
dern ort/vnnnd nemlich 1. Corinth. viij. auff denselben heylgen
Apostel zuverglympffen 1c. Aber von dieser yhrer vermayn-
ten offentlichen widderwertigen cynrede / vffs kurtzest zuhan-
deln/So erfindet sich/als der Apostel 1. Corint. vi. alle bulerey
vnd hurerey vffs hochst mit vil lautern wortten/gestraft/vñ
denselben die erbschaft des hymelreichs versagt hat/Antwort
er/ym

er / ym nechstfolgenden viij. capittel / den Corinthern auff eyn
schreyben / so sy yhm derhalben gethun / spiechende. Das dem
menschen gut sey / keyn weys zuertüen / Aber vmb der hurerey
willen / sol eyn yeglicher (merck eben eyn yeglicher / damit er ye
derhalben nymande auffschliesse) seyn eygen weys / vnnnd eyn
yegliche (merck abermals eyn yegliche) yhren eygen man ha-
ben / mit meldung / wie yhr yedes leyß / dem andern zu der ehe-
schuld verbunden ist / Vnd er sags auß vergunst / vnd nit auß
gebot / Er wolt lieber das alle menschen weren wie er / Aber eyn
yeglicher hab seyn eygene gaß von Gott. Desgleichen sagt er
auch hie der wiewern vnd wiewen halben / mit dem lauttern
anhang / Welche sich nit enthalten / sol man sie freyen lassen /
Wann es sey besser freyen weder brennen 128.

Darumb wo an diesen oder anderen orten göelicher schrift /
yungkfrauschaft oder keuschlich leben / außershalb der ehe ge-
preyßt wirdt / geschicht alwegen (wie der Apostel meldet / vnd
Math. 9. auch lautter angezeygt wirt) der yhenen halben / des-
nen es sonderlich geben ist. Diweyl doch das götelich gesetz /
nit alleyn eüßerliche leybliche vbung vnkeüßcher werck / sonder
auch die begirde vnd gelust derselben / verbeit / wie sich das yn
den gehen göelichen gebotten / Auch Math. v. vnd Rom. viij.
lautter erfindet / dem dan on sonderliche göeliche gaß nymand
genug thun kan / Sonder die verschwerung des eelichen stands
eyn vermessenliche versuchung gotes / wider Christu Math. 4.
were. Vnd diweyl auch verschwerung der ee / die not vnd lie-
be des nechsten (welches sonsten etlich eyde schweren entschul-
digt) nit erfordert / geschiecht das widder gottes gebot / nit ey-
tel oder vnnütz bey seynem namen zuschweren / vnnnd widder
Christus offentlichen bevelh Math. v. (das wir aller ding nie
schweren sollen) So hat vns auch Christus solcher vermessen-
heit halb / durch das exempel Petri bey seynem hohen verspre-
chen am nachtemal / vnd kürzlicher darauffgefolgter wider-
wertigen verlaugnung / nit wenig gewarnet. Zu dem allem
(wie Math. viij. steet) wegen die offentlichen frucht / des Bepa-
stischen verbots der pfaffenee / vnnnd derselben Tyrannischen
Landthabung / die art vnd eygenschafft derselben bösen bau-
men / gar klerlich an. Vñ kan weder auß dem alten oder newen
Testament nyndert bewert werden / das cynichem stande der
c iij menschen

8 menschen/die ehe dermassen wie die Bepstischen (yrem gantzen genanten geystlichen standt thun) gelert/ gerathen odder gebotten ist. Sonder wirt darynnen (wie zum theyl oben erzelt) gantz der widdersyn offentlich beweyst/ vnd wes die widertheil zu vermeynter bedeckung/ gemeltes schandzeychens/ das der heylig geyst/ dick gemeltermassen / allen verbietern der ee vnd speyß (wie dann die Bepstischen ynn diesen beden stücken/ vnlaugenbarlich thun) offentlich vnd deütlich angehangen/ vñ eyngedruckt hat/ furgeben/ kan sy nit alleyn nit beschönnen / sonder wirt darauff solche yhr schuld vnnd straff/ noch baß vermerckt/ vnnd kan sich eyner (widder das sprichwort) vil baß mit alten hosen/ weder solche offentliche götliche warheit mit lügen/decken. Aber also sollen mit rechter vrteyl Gottes/die hasser vñ verfolger seynes worts/gruben graben/ vnd selbst dareyn fallen.

Psal. 7.

Wolt dan ymand dafür halten/ als solt yezo die letzte zeyt/ darauff vil gemelte des Apostels prophecey auß deütlicher eyngabung des heyligen geysts gestellt/ noch nit/ sonder zukünfftig seyn/ der lese 1. Joan. iij. darynnen er anzeygt/ Welchermassen solche letzte stund oder zeyt/ Bey yhne den Aposteln angefangen hat/ vñ das darynnen vil widerchristen von yhnen außgeen/ vnd doch nit von yhnen seyn/ dieweyl sie nit bey yhnen (zu versteen yhrer lere halben) bleyben.

Das die Bepstisch Pauli nit haben verwerffen können.

Vnd wiewol nun die obgesagten vnd andere/ des Apostels Pauli/ epistel vnd propheceyen/ den Bepstischen/ auch yhren sagungen/ gebotten vnd leren/ gar yn vil dingen/ vffs aller offentlichst vnd heftigst/ zuwidder sind/ vnd sie als vnzweyffentliche widderchristen/ beweren. So hat doch der Almechtigt/ Barmherzig/ güttig Got/ yhnen so vil vßels/ wider seyn heylge gemeyne/ vnuberwintliche/ Christenliche kirchen zuuben/ nit verhengt/ das sie diesen heylgen Pauli/ oder seyne epistel/ von götlicher schrift des newen Testaments gantz außschließen/ odder als vnglawb würdig verleumbten (wie yzo etliche mit gots lesterlichen / vnchristlichen freyenlichen Worten zuthun vndersteen) sonder sind seyne Epistel am allermeysten yn yren genanten messen gesungen vñ gelesen worden / vnd dabey diesen Pauli als eynen Apostel Christi/ haben offentlich bekennen vñ außschreyen müssen/ sie wolten dan Christu (der yhne seyn außermwelts

aufferweltes faß oder rüßzeig nennet/ der seynen namen vnter die heyden tragen solle) oder aber den Euangelisten Lucā/ der solchs Act. ix. schreybt/ vñ dadurch seyn beschreibens Euangelion/ vñ ganze geschichte der Apostel/ auch vnglaubwürdig vñ verwerfflich machen. Wie fast sie sich aber (sonderlich vor obgemelter des Apostels epistel vñ prophecey/ widder die verbieter der ee vñ speyß geschrieben) geforcht vñ geschewet/ erscheynet/ nit alleyn auß oberzelten/ yren dawider vngereimten falschen erdichten glosen/ Sonder auch auß dem/ das sie eben dieselben nötigen treffenlichen epistel vñnd weyßsagung/ die vns derhalbñ vor den absettern vom glauben/ anhangern der yrrigen geister/ teüfels lerern/ gleyßnern vñ lügenredern ꝛc. als deutlich nach angebn̄ des heylgen geysts/ warnet/ vñ zweyfel auß sonderlichem rathe vñnd eyngeben des teüfels/ welchs lere sie (als obstet) anhangen/ vmb vermeynter bedeckung willen/ solcher yhrer vnchristlichñ schandzeychen/ die darauff an ynen genüglich erkant werden/ lange zeyt here/ offentlich yn der gemeynde/ nye/ weder gesungen/ gelesen/ gepredigt/ odder gelert haben/ als auch solche Epistel vñ prophecey/ ynn der Römischen ordnung/ was für Euangelia vñ Epistel/ zu yeder zeyt vñ auff alle tag/ durch das ganz yar/ yn yhren kirchen gesungen/ gelesen/ vñnd gepredigt werden sollen/ nit funden wurde. Welchs aber yetzo/ dieweyl Gott der almechtig seyn Euangelisch licht (das durch die Bēstischen lange zeyt verdruckt vñ verdunckelt) yn newoligkeit/ wider gnediglichñ scheynen lassen hat/ an vil ortten den glaubigen alles (Got sey loß) gnüiglich kündig vñ offensar worden ist/ vñ mit hylff gotes/ andern füro auch bekant werden solle. Vñd wue die Bēstischen ym grund der warheyt gemeynt hetten (wie sie mit eüsserlichen wortten dichten) das solche des Apostels treffenliche nötige leer vñ prophecey/ auff andere dan auff sie deütten solt/ vñ sie yhrem anmassen nach gutte hirten/ der Schaff Christi seyn wollen/ So hetten sie billich dieselben Epistel/ allenthalbn̄ vnter der gemeynde yn der Römischen kirchen außschreyen/ vñ vor solchen/ durch den heylgen geyst deütlichen gezeychenten/ aller ergsten wolffen/ warnen lassen. Diaweyl sie aber das obgemeltermassen nit gethan/ Ist dabey auch genüglich zu verstehen/ das yhne nit vnwissent gewest/ das sie selbst mit solcher prophecey

Von vbergäng
der epistel vñ
prophecey/ das
loß der pfaffen
ee. ꝛc. betreffend

prophecey gemeyn^{et} / vnd als teüfel-lerer 10^{er}. geczeychent sind /
wie eyn yeder gerings verstands / leyche^{lich} czuermessen hat.

Auß was vñ
chen der heylig
geyst vñs / sol-
che deüliche
Brandzeichn ge-
ben hat.

Mit dem allen / eynem yeden der heller götlicher schrifft ge-
laub^t / kürzlich vñnd mit garwenig schrifften mer dan genug
beweyst vñnd bewerd^t ist. Wes der heylig Apostel Paulus zu
Timotheo yn seyner ersten Epistel / vñnd derselben dritten vñnd
vierten Capittel (wie die yetzo geordent) leret vñ propheceit /
das dawider alle erdichte vermeynte außfluchtige entschuldiz-
gung der Bepstischen / ganz keynen glawben haben solle kan
oder mag. Vñnd dieroyel der heylig Paulus doßey solchs alles /
vñnd dieselben czukünfftigen propheceyten verb^{ot} / seynen yün-
ger Timotheo / damals den Brüdern als fleysig vñnd ernstlich
verkünden heyst / beweyset gar klerlich das er dadurch / nit al-
leyn von derselben menschen wegen / die dergzeyt gegenwertig
gewest (bey den es noch nit zuschulden künmen was) Sonder
allermeist den yhenen zu notturft. Bey denen nachmals gemel-
ter abfal- vñ solche seyne propheceyte verb^{ot} / der ee vñ speys /
sich czutragen wurden (wie dan lang hernach bescheen) ge-
melten befelh dem Timotheo gethan / damit solche abtreter
vom glawben / anhenger der yrrigen geyster / teüfels lere / gleyß-
nerey / lügenreder / vñnd yhre Brantmalete gewissen / mit dem
warzeychen gemelter ee vñ speys verbietens / mit weniger deü-
lich vñnd kentlich / hat zeychen wöllen / als man etwa von cze-
licher laster wegn / sorgliche schedliche vñbelhetter zuwarnung
der frumen / mit sonderlichn darzu verordenten schantzeychn /
offenlich yn die stirn brennet / damit denselben verbitern der ee
vñnd speys / nit alleyn yn solchen yhren czweyen vnchristlichen
verthümlichen verb^{oten} / keyn glawbiger zufall thete / sonder
das yhnen auch sonsten yn andern yhren geboten / verb^{oten} /
oder angemaster außlegung der schriff / die seel vñ gewyssen be-
treffent / als wenig als dem teüfel selbst / des leer sie abberwerter
massen anhangen (vngeacht wie sie sonsten scheynen odder
gleyssen) vererawt / odder derhalb gewalt zugelassen werden
solle. Wie dan Christ^{us} Math. xvi. seyne yungern / sich vor der
verfurlichen gleysseten Phariseer vñ Saduceer leer / zuhuten /
auch warnet. Vñnd der heylig Apostel Joan. yn seyner andern
Epistel lauterer spricht. Wer yn der leer Christi nit bleybe / das
der keynen got habe. (vñnd weyter) Wer Christas leer / nit zu
vñs bringe

Jr verbitern der
ee vñ speys / seit
kluge / vñ wische
diß offenlich
schandzeichen /
durch dz wort
gots / von euch
sonst hab^t yhr
keyn glawben.

uns bringe/das der nit zuhauff genömen oder gegrüßet werden
solle/ Damit wir mit seynen bösen wercken nit gemeynschaft
haben 2c. Wie viel strefflicher werden dan die seyn/ so obge-
melte durch den heylgen geyst/ deüliche gezeychente teüfels le-
rer als glaubwürdig hören/annemen/oder denselben derhalbñ
hülff/rathe/oder beystandt dazuthun :

Vnd yhr Bepstischen/dorfft mit nichte gedencen/oder yn
syn nemen/so yhr gleych etliche grosse heüßter (yhr selbst hal-
ben vffs aller erbermlichst) durch ewer lang herbrachte offen-
liche betrigerey/dermassen verführet/das sie euch die glaubigñ/
wider das wort gots/an ehren/leyß/ leben oder gütern verfol-
gen helfen (wie leyder an etlichen ortten erfunden wirt) das
yhr dadurch das obgemele offentlich brandemall vnd schand-
zeychen/ euch durch den heylgen geyst selbst/ nit zweyfenlich
oder dunckel/sonder (wie der text lautter spricht) deülich ein
gedruckt/bedecken/oder von euch reysen/zerren/oder wischen
tonche/aßer vil mer wirt dadurch ewer pharaonische verher-
tung/vnd widerchristliche Tyranny/kündig vnnd offenbar/
Wann wir wissen ye wol/ das solchs eyn gewisse eygenschafft
des Antichristlichen propheceyten regiments ist/darumb Da-
niel.vij.dem Antichrist offentlich zuschreybt/das er/ (wie eben
yhr yn ewern genanten rechten/gesagen vnd gebotten offen-
lich vnd vnzelig vil thunde) wort wider got den höchsten rea-
den/vnd die heylgen gottes zerknirschen/Auch meynen wer-
de/das er die zeyt vnnd gesetz wandeln moge/vnd das yhm
solchs eyn zeytelang yn seyn handt geben wird. Vnd Daniel.8.
mechtigt von geberden/vnnd eyn wunderbarerlicher verderber
seyn/ die starcken vnd das volck der heylgen verderben/nach
seynem synn faren/der Betrug durch seyn handt wol geraten/
yn seynem herzen groß von sich halten/vil durch seyn genug-
liche volle verderben/sich wider den Fürsten aller Fürsten setz-
en/aßer on handt zerbrochen werden.

Vñ Danielis.9.ym tempel (welcher tempel Corinth.iiij.alle
Christen menschen sinde) Regyren solle. Vnnd das sich dar-
umb Christ selbst Math.xxiiij.auff diese Danielis prophecey
zeühet/vnnd nennet diesen widerchrist auch eynen wü-
sten grewel

Das die Bepstie-
schen durch vñ
folgung der glau-
bing/dz gemele
brädzeychñ/nit
abwieschñ kön-
nen/sond dz do
mit vil mer off-
decken/vñ eyn
eigenschaft des
antichrists ist.

Wie solche ver-
folgung d glau-
bing eyn gewi-
esse eigenschaft
des antichrists
ist.

sten grewel vnd spricht. Wann der gesehen/ was großer verfolgung danzumal der glaubigen seyn werde/ vnnnd heyst mit kurtzen dapffern wortten / wer es list darauff mercken. Auch nit weniger Paul⁹ i. Tessa. ij. diesen grewel/ eynen sohn der Bosheit/ kyndt der verderbung/ vñ widerchristiger nennet/ der ynn diesen letzten czeyten/ vor dem end der welde offenbar werden/ vnd nit mit menschlicher macht odder matherlichen waffen / Sonder mit dem geyst des herrn munde/ erwürge. Aber durch die erscheynung Christus letzten zukunfft/ seyn als lererist gar eyn end gemacht werden sol/ Vnd wiewol er seyner enelichen genglichen verdilgung halben/ Christus letzten zukunfft erwartet/ vnd dazwischen die glaubigen zu yhrer seligkeit/ mit czevelicher verfolgung fündert / Vnd welche die warheit nit auffnehmen/ vertümlich verführet/ wie obberürter Apostelisch text lautter mitbünge 2c. so ist er doch yetzo durch den geyst des göelichen mundes (als nemlich seyn helles wort) ynn den hertzen vnd gewissen aller glaubigen/ dermassen erwürge/ das er yhne/ an yhrer seel/ als wenigst schaden/ als eyn todter hunde beyssen kan. Vnd das dan ewrem verführlichen gedichte nach / derselbig propheceyt Antichrist / nit eyn eynige person/ sonder vil solcher widderchristen/ ynn diesen letzten czeyten/ vñ nit von denen die sich fur vnchristen/ sonder fur Christ⁹ Apostel außgeben/ seyn sollen 2c. Das wirt i. Ioan. ij. gar klar be- weyft. Dem sich dann solcher vil widderchristen halb Paulus auch vergleycht/ do er ynn seynem obgesarzten capitel spricht. Es reg sich damals all bereyt seyn geheymnos 2c.

Wiewol nun wie Marci xi. steet. Eyn yeder der nit mit Christo ist/ wider yhne ist/ so wurde doch das Bepstisch regiment/ yhrer obgemelten offentlichen frefenlichen Tyranny halben/ so sy widder das hell wort Gotes lange zeyt geübt/ vnd noch als vil yhne möglich / darauff beharren / fur das recht oberst hauß aller widderchristen/ bewert/ darzu dan auch wol stymmet/ das sie ynn yhr genantes geystlich Rechebuch das Decret/ Dist. 40. c. Si papa. offentlich gesarzt haben. So der Bapst die selen heüffet ynn die peyn ewiger verthümnuß führet / das yhm dannost nymande nichts dareyn reden solle. Vnd wiewol sie die Bepstischen sind derzeyt/ etlich andere christliche ordnüg/ so yn yhre

so yn yhre genante Rechtbücher / durch die alten Concilia ges-
sagt geweest / vñ sich mit göelicher schrift vergleyche / offentlich
vnd außdrücklich verendert / vnd dagegen das widerwertig
gebotten / wie zumteyl vor yhres genanten geystlichen stands
Le halben (vnd sonsten ynn vil andern dingen) lauter erfuns-
den wirt / so hat doch d teüfel (des leer sie obberwelter massen
anhangen) bey solchen seynen anhangern so vil verhüt / das sy
nächstgemelte yhr Decretische vnd vil andere vnchristliche ge-
satz / die gölichem wort offentlich widerstreben / dermassen nit
widderrufft / auffgehebt vnd abgethan / sonder vmb vermeynt
ter gewaltiger vnchristlicher vnverhynderter Tyrāney willen /
also haben für vnd für steen lassen / vñ sich dannost berümbt /
als weren sie von den Aposteln außgangen / vñ hetten apostel
stand. Wer nun den propheten Daniel / auch Christum selbst /
vnd darzu seyne apostel Paulū vnd Joannem / gegen solcher
Bepstischen widerchristigen vbung / der sy sich vnther sal-
schem scheyn warer Apostel Christi (wie oben Joannes von
allen widerchristen klerlich meldet) gebrauchen / mit fleiß ly-
set / mercket darauff gar klerlich / wie ganz gleych vnd eben das
durch / das Bepstisch regiment / für das recht widerchristlich
haubt / davon alle prophecey saget / abgemalht / beweyst vnnd
bewert wirt.

Vnd nachdem auch Paulus yn seynem obgesagten capittel
sonderlich meldet / das diß Antichristischen gewels zukunfft
geschehen werde / durch wirckung des teüffels / mit allerley lü-
genhaften krefften / zeychen vnd wundern / vnther denen die
verloren werden / dafur / das sie die warheit nit auffgenömen
haben / werde yne Got senden kreffteige yrrthum / vnd das sich
albereyt seyn geheymnos rege 2c. Weyl nun das Bepstisch
regiment / durch verbiethung der ee vnd speyß (vorberwelterma-
ssen) den teüfels leren anhanget / volgt auch das desselben zu-
kunfft / wie dieser Apostel vom widerchrist sage / durch wir-
ckung des teüfels ist. Was lügenhafter kreffte / zeychen vnd
wunder / sie sich dan vil zeyet gebraucht / davon weren grosse
eygene Bücher zuschreybenn. Aber alleyn an dem offenbar ge-
nug / wes sie etlicher gnanter heylgen / derselben erdichten wal-
fare vnd wunderzeychen halben / vnchristlicher grosser lügen
d ij (das yhne

- (das yhne auch vil geles getragen) geschrieben/gepredigt/ gesungen vnd gesagt/vnd damit vil menschen/ mit yhrem ver-
 1. Timot. 2. trawen vff dieselben/vil mehr/ weder auff Christu vnsern ey-
 hebre. 9. nichen seligmacher/mieler vnd fürsprechen/bewege haben.
 1. Joan. 2.

Diweyl sich aber die Bepst vber dz alles/für hirtten der schaff Christi außgeßen/So hat vns Got von diesen hirtten/durch den propheten zacharie yn seynem xi. capit. auch lang zuvor genug gesagt/do er spricht. Ich wil noch eynen hirtten auff erden auffwecken/der das verlassen nicht besehen/das verloren nicht suchen/das zerbrochen nit heylen/ das gesunt nicht weyden/ Aber der feysten fleisch fressen/ vnd yhre klaen zerbrechen wirt/ O des hirtten/ O des Abgots 1cf.

Wie die frommen allwegen von den bösen vßfolgt worden sindt.

Die glaubning fechten alleyn mit dē wort Gottes vmb das/ waren glauben betrifft.

Wie ware Christen durch leyden vßfolgig gemert vnd bewert werden.

Es ist auch meniglich offenbar/ das vom anfang der welt/ erstlich der vnschuldig Abel/durch den gotlosen Caym/vnnd darnach alwegen nit die gotlosen von den gotselygen/ sonder die gotselygen von den gotlosen/verfolgt vnd durchhecht worden seyn/ vnd sol vns zu demselben genug seyn/ das Luce. xij. die propheten/vnnd Luce. xxij. vnser seligmacher selbst/ hat dulden müssen/vñ Math. x. vñ an andern ortten/seynen ym- gern biß an das end der welt/dergleychen zugewarten/ lautter zuvor gesagt. Aber Christus vnd seyne Apostel/ haben gegen allen yhren widdersachern/dem teüfel vnd den menschen / alleyn mit heller götlicher schrift (wie das newe Testament vol ist) gestritten/ das dan (2. Corinth. 10. Ephe. 6. vñ hebre. 4.) zuwidderstehung allen solchen gewelten genugsam vñ kreff- tig ist. Vnnd nach dem (2. Corinth. 2.) die Apostel nit herrn vnser glaubens/sich des gar vil weniger andere anzumassen haben. Vnd wo sich ymande durch Tyrannische sigliche tha- ten rechtglaubig/beweysen konte/ wer hette dan derhalb Besse- re zeügnis weder der Türck? wiewol er dannost yn dem we- niger schedlich ist/das er die Christen dermassen nit/wie yhr/ mit der that vom glauben czundten vndersteet. Aber wie yn anfang der kirchen/die waren Christen/ vñ der widdersacher thetlichen verfolgung/nit alleyn nit verdilget/sonder seliglich bewert / vnd davon für vñ für czunamen vnd gemert wu- den/ Also sehet yhr yetzo (so yhr die augen recht auffthunde) Got sey

Got sey lob teglich. Vnnd das derselben etliche ehe sie ewerm
 Segeren nach/ dem ewigen hellen wort gottes widdersprechen
 wollen/ alle peyn/ schmach/ marter vnd todt/ als williglich vñ
 frölich leyden / auch andere zu dergleychen vermanen / das
 erwer etliche yezuczeyten vmb vermeynter bedeckung willen sol-
 cher vnchristlichen Tyranny/ sagen/ es geschee auß druncken
 heit/ wie dann Act. ix. die gotlosen Juden den Aposteln/ auch
 zumassen. Vnd welche Christen/ vor solcher erwer Tyranny/
 von eyner Stat zur andern fliehen/ hat yne Christ⁹ Math. x.
 erlaube/ vnd doch Marci. viij. yhne vnd seyn wort/ offentlich
 vor den menschen zu bekennen/ zur seligkeit nötig gelert. So
 yhr aber/ yezuczeyten etliche dawidder/ durch erwer Tyranny/
 vñ solcher offentlich bekantnuß/ seynes hellen ewigen worts/
 auß menschlichen forchten (wie dem heylgen Petro ynn den
 höfen der Bischof Annas vñ Cayphas geschae) schreckt/
 so seyt doch vnzweyfel / yhr haßt yhne dannost Christū vnd
 seyn helles/ ewigs/ eynigs/ seligmachents wort/ nit ganz auß
 dem hertzen gerissen/ sonder werden nichts destertweniger yhr
 vil/ erwer widderchristliche Tyranny/ auch derhalben yhren
 sündelichen abfall bey yhne selbst/ betrachten/ vñ mit der zeyt/
 so sie Christ⁹ (wie Petro) gnediglich ansyhet/ seynem exempel
 nach / zu warer rew vnd Christlicher offentlicher bestendiger
 mündelicher bekantnuß auch kumen/ wie dann von ettelichen
 (Got sey lob) algeret gescheen ist. Wann (2. Petri. 2.) Gott
 der herr weys die gotseylgen auß versuchung zuerlösen / Die
 vngerechten aber zu behalten zum tag des gerichtes zur pey-
 nigung/ vnd yn yhiem erwürgen werden sie erwürgt 7c.

Christliche vermanung

an die Obrigkeit.

O yhr zeyelichen heüßter vñ obrigkeyten/ die Rom. xij.
 mit beschützung des schwerts Got zu dienen verordnet sind/
 welche auß euch/ sich zeyeliche geschefte/ an vil lesens göelicher
 schrift vorhyndern lassen/ wolt doch diese kurze vndertheni-
 ge ermanung (die als got weys alleyn auß christlicher liebe ge-
 schicht) leütterlich vmb gots willen gedultiglich hören. Vnd
 damit zuserst eryndert seyn/ das ym wort gottes solche al-

Von ewiger Be-
 stendigkeit gots
 tes wort.

d iij lergroste

Gene. 1. Iergroßte Krafft/gewaltigkeit vnnnd warheit ist/das dadurch hy-

Johann. 1. mel vnd erden vnd alle Creatur geschaffen worden sind/ vnd

Sapien. 9. züthaiten werden müssen. Vnd vom götlichen gesatz nit eyn

Psal. c. viij. eynichs pünctleyn odder tittel vergeen wirt/ auch ehe hymel vñ

Math. 5. vñ 24 erden/ weder Christus wort vergeen werden/ vnd das wir nit

Deut. 4. vñ. 12. vnser gutdüncken/ sonder nach götlichem wort thun/ vñ dem

Proverbi. xxx. selben nichts zu odder absetzen sollen / vnd alle menschen leer

Göttliche schrifft vnd gebot/ Got damit zudiemen verworffen sind/ wie sich

zu aller notturfeiz dann Christ selbst/ vnd seyne Apostel yn allen yhren strit-

gen eüßerlichñ Be tigen bewerungen/ gegen den widertheyln/ alleyn auff götli-

werung/genug che schrifte gezogen/ vñ enelich gegründt haben/ des ist das

vnd klar. new Testament vol. Vnd Christus Math. xij. offentlich an-

zeigte/ das die zum hymelreich gelert sind/ von yhrem scharz

alts vnd newes Testaments herfur tragen. Darumb wiewol

Christus Got vnd mensch/ so hat er doch mehr dann eynmal

(als er nach der menscheit geredt) vnd sonderlich Joan. vij.

vij. vnd xij. offentlich gesagt/ das seyn leer nit seyn/ sonder sey

nes hymelischen vaters sey/ mit meldung wer von yhm selbst

rede/ der such seynen eygen preys 7c. Vnd spricht derhalb Jo

han. v. vnd vij. So er von yhm selbst zeüge/ das seyn zeügte-

nus nit war sey/ vnd er neme nit zeügnus von den menschen/

sonder hab eyn grösser zeügnus/ von seynem hymelischen va-

ter/ vnnnd weyset die widertheyl/ derhalb ynn die schrifte 7c.

Christ hat auch Joan. xx. seyne yüngern nit anderst gesant/

dann wie yhne seyn hymelischer vatter gesandt hat. Vnnnd sie

Math. vltimo leren heysen/ was er yhne befolhen hat. Vnd

Marci vltimo yhne doch keyn andere leer/ dann das Euange-

lion zu verkünden befolhen. vnd sie Luce vltimo verträßt/ die

verheyßung seynes vaters off sie zusenden/ vnd das sie biß an

das ende der erden/ seyn zeügen seyn sollen. Vnd Johan. xvi.

spricht er offentlich/ das der heylig geyst (yn seynere verheyßen

sendung) auch nichts von yhm selbst reden werde 7c. vnd be

kennt Paulus Rom. xv. das er nichts reden dorffe/ dan was

Christus yn yhm wircke. Darumb er auch Gala. 1. vmb fley-

siger merckung willen/ zwyr vffeynander/ alle die verfluchet/

die etwas anders weder yhr verkündtes Euangelion leren/ vñ

ob es eyn Engel oder eyn Apostel chete 7c. Vnd Joan. yn sey

ner andern Epistel (wie vor auch angezeygt) alle menschen

des offentlich

Christus yün-
gern nit mer ge-
waltes weder er
gehabt.

Act. 1.

des offentlich warnet/ Wer ynn der leer Christi nit bleyß/ das der keynen got habe/ vnd so ymandt zu vns kume/ vnd bringe diese leer nit/ das wir den nit zuhauff nemen oder grüssen sol-
len / domit wir mit seynen bösen wercken nitt gemeynschafft haben 7c.

Dieweyl nun Christus selbst/ der heylig geyst vnd die Apo-
stel/ nach des heylgen geysts sendung/ der sie (wie Johan. xiiij.
xv. vnd. xvi. lauter funden wirt) alles leren/ vñ wes yne Chri-
stus vorgesagt/ wider eryndern/ vnd es von dem das Christi
ist nemen solle 7c. Wer kan sich dann on offentliche teufflische
hochfart ynn oder außershalb der Concilia/ derhalb mehr ge-
waltes weder Christus selbst/ der heylig geyst vnd solche Apo-
stel/ berümen. Wan yhe/ als Christus offentlich bezeuget/ der
yänger nit vber den meyster/ oder der yhne gesandt hat/ ist.

So sich aber die Bepstischen auff yhre Concilia (wie sie ge-
wonlich thun) wider vns zuuberuffen vnd behelffen vermey-
nen/ So nemet dagegen war/ wie deutlich doch sie der heylig
geyst (vorbewertermassen) durch yhr verbietung der ehe vnd
speyß/ sampt den Concilien die dergleychen auch thun/ als ab-
treter vom glawben / anhenger der yrrigen geyster / leren der
teuffel/ gleyßnerey/ lügenreden/ vñnd Brandmaleter gewissen
gezeychent hat. Vnd das Johan. (als obster) spricht. Wer yn
der leer Christi nit bleyß / das der keynen gott habe/ auch der-
halb nit zuhauff genömen/ oder grüßt werden solle 7c. vnd er-
messet darauff selbst / wes darüber yhne oder denselben yhren
vergangen oder künfftigen Concilien/ vnser seel vnd gewissen
halb/ mehr weder dem teuffel selbst (des leer sie als oben be-
weyßt) anhangen / zuglawben sey. Vñnd ~~wie~~ *in* Christus
Math. xviij. alleyn yn der yhenen mittel zuseyn verheysset. die
yn seynem namen versamelt sind/ so bedencke wie weyt er mit
solchen seynen gnaden/ von diesen vnglaubigen teuffels lerern
vnd gotlosen 7c. ynn odder außershalb yhrer Concilien/ kley-
ner oder grösser versamlung/ ist.

Concilia.

Signum

Ermesset auch dabey/ was ynn eynem künfftigen Concilio/
Christlich vñ bestendlich beschlossen werden solle/ das solchs
(wie oben

(wie oben bewert) doch nit anderst/ dan alleyn nach dem hel-
len wort gots/ gescheen solle kan oder mag.

**Buchstab
vnd geyst.**

Vnd wiewol war/ das eyn yede schrifft oder eüsserliche re-
de/ von wem oder wie die geschriben/ geredt/ gepredigt/ gelert/
oder außgelegt/ on ynderliche erleuchtung des götlichen geysts/
wie an vil ortten der schrifft/ vnd sonderlich. 1. Corinth. iij. vñ
Philip. ij. funden wirt/ alles eyn todter Buchstab ist/ So last
euch doch die widertheyl yhr ergste gyffe nicht eyngieffen/ als
solt darumb götliche schrifft/ des alten vñ newen testaments/
zu eüsserlichen leren vnd strittigen bewerungen/ souil zur selig-
keit not/ nit lauter vñnd klar genug verhanden seyn/ wan wir
erbieten vns derhalb ganz den widder synn/ auß beden Testa-
menten/ offenlich vnd vberflüssig zu beweyssen. vnd wo das
verzgemelt der Bepstischñ fürgeben war were/ so hetten Chri-
stus vnd seyne Apostel/ vns vorerzeltermassen alleyn Bey sol-
cher leer zubleiben/ ganz vnbestentlich gelert/ vñnd must nie-
war seyn/ das Christ⁹ Ioan. r. lauter spricht. Das seyne schaff
seyn styñ kennen/ vnd derselben vñ keyner andern nachfolgen
werden/ wo yrgent eyn andere styñ were/ die zuertklerung sey-
ner dunkeln styñ von nöten seyn solte. Vñnd felet eben als
weyt/ das der Apostel 2. Corint. 4. lauter sagt/ Das yhr Eu-
gelion alleyn den verlornen bedeckt sey/ Damit er yhe klar sa-
gen wil / das es den glaubigen vnbedeckt vñnd offenbar ist.
Wer konte aber etwas gotslesterlichers reden dan Christū vñ
seyne Apostel also lügstraffen? Das aber die Cöcilia/ on offen-
liche czeignuß götlicher schrifft/ nit glaubwürdigk finde/ ist nie
alleyn ynn götlicher schrifft offenbar/ sonder es czeigen auch
solchs yhre eygene genante geystliche recht vñnd lerer / an vil
ortten an/ der hie eyn wenig berürt werden.

Wie etliche gnäte Nemlich c. Si solb Christ⁹. 8. dist. wirt funden/ das alleyn
geistliche recht/ vñ Christus zuhören ist/ vnd wir nit achten sollen was die an
alce lerer/ das göt- dern vor vns beschlossen haben/ alleyn was Christus (der
lich wort als vñ vor andern vnd vns allen gewest) gepredigt vnd gemache
newes testaments hat. Vnd man solle auch auff der menschen gesetz vnd ge-
alleyn glaubwür- wonheit nit/ sonder vff gottes wort geben/ vnd würde des
dig gehalten/ vnd orts zu bewerung desselben der prophet Isayas am xxix. vñ
Christus

Christus Matth. xv. angezogen/vnnd darauff weyter bez das keyn andere
schlossen/das/das götlich wort vnd warheit/ der gewon= schufften oder ge=
heit furgesetz werden solle. Desigleychen die andern capitel wonheit/dawid
oder Canones yn der viij. vnd. ix. vnderschied des Bepstli= stat haben solle.
schen Rechten/auch alle gewonheit vnnd gebreuch (die ge= Cyprianus.
melter götlichen warheit widderwertig sindt) verwerffen
vnd auff heben.

Es wirt auch ym Capitel/das nach dem obstenden volget/ Augustinus.
vnther andern mer angezeygt/das ein yglicher der den keyser=
lichen gefaszen (wiewol der Keyser das oberst yrdisch hauß
ist) die wider gottes wort gemacht werden/nit gehorsam seyn
wolle/grossen lohn erlange.

Item ym genanten geystlichen rechten stet weytter. ij. q. viij.
c. Nos si. So die prelaten die vnderthan/ zu bösem zwingen
wollen/das sie yhne widersprechen/vñ derhalben widerstehen
mögen/vnd wirt des für ein exempel gesetzt wie die Eslyn des
Balaams dorheit straffet/ vñ das die selbig Eslyn die vnder=
than/vñ Balaam die prelaten Bedeute. Ferner wirt diß orts/
von wegen mündelicher straff/ so die vnderthan den prelaten
thun mögen / für eyn exempel gesetzt / das der prophet Na=
than/den David vmb die sund des Ehebruchs straffet.

Item der Babst Innocentius der drit ym Decretal. c. A nos
bis. ij. de senten. exco. mu. spricht lauter. Das vrteyl vnd gericht
gottes betrieg nit/vñ mög nit betrogen werden/ sonder sey all
wegen vff die warheit gegründet. Aber das vrteyl der kirchen
(nit anderst dan von der Römischen kirchen zu verstecken) sol=
ge czu zeyten dem wahn vnnd opinion / welche offft betreuge
vnd betrogen wirt 2c.

Es mochten auch sonst vil andere dergleychen sprich vñ
gezeugnus / auß den alten lerern der kirchen/ ausserhalb der
geystlichen rechte / hierzu auffbracht werden/ Als nemlich Au=
gustini zu Crescancio lib. 2. c. 31. Vñ ym buch von der natur vñ
gnad. c. 61. auch wider die epistel Petilianis des Donatisten. c. 3.
c vnd Iheronymi

vnd Iheronymi yn seyner auflegung Matthei/ bey dem ende
des. xxiij. ca. 26. an welchen orten nach der lenng eynhelliglich
besetzt wirt/ das alle Bucher alleyn auß götlicher schrifft ge-
urtheyle/ vnd auß derselbigen alle disputation/ so christliche leer
belangen/ entscheyden werden sollen vnd müssen. Aber diesel-
bigen nach der leng alhie zuerzelen/ von kurtz vñ des wegen/
das es sonst nymandt der es anderst wissen wil/ verborgen
ist/ vnderlassen wirt.

Czu dem allen kan eyn yeder leychelich verstecken/ ob gleych
zuhoffen were/ das durch eyn künstteig gemeyn Conciliū/ auß
götlicher verleyhung christliche ordnung vnd beschluß/ wider
alle vnchristliche Bepstische gesetz gemacht werden solten /
So ist doch nymandt desselben/ oder wan eyn solch Conciliū
anfang oder end haben mochte/ versichert/ solt darumb (wie
die Bepstischen vermeynen) nielerzeyt solcher obberürten
erwels lerer/ vnd gotloser menschen/ gesatz vnnd geboten/
das hell lauter wort gottes weychen/ oder thonden auch alle
Creatur. denen/ die derhalb das hell wort gots verlissen/ vnd
solche christenliche besserung nit erlebten / ewiger verthüm-
halb fur schaden stehen / Odder sollen wir nit wie die Apostel
Act. iij. antwort gaben/ Got mehr dan den menschen gebor-
chen/ Odder wer ist doch als vnbesinnit/ der das nit alles klar
verstehet.

Wie die Bepsti-
schen die euāge-
lische für aufrü-
rer/ vnwarlich
gegen weltliche
obrigkeyten be-
schuldigen.

Wir wissen wol/ das den Bepstischen die zeytelichen obrige-
keiten hart eynbilden/ als solt yezo warhafftige Euangelische
leer (vmb des willen/ das sie die lang kleglich verdrückt) new-
Lutterisch vnnd aufrürisch/ vnnd wider alle obrigkeit seyn.
Werffen auch derhalb yüngster vnynnigen Bawern auffrur
fur/ dadurch sie eertliche/ zu abfall Euangelischer warheit / be-
wegen 26. Verschweygen aber dabey/ das alle ware Euange-
lische lerer/ fleyschliche freyheit vffs höchst straffen / vnd auff
Rechte ware Christliche nöttige freyheit des geysts/ nach ver-
mög heller götlicher schrifft weysen/ vnnd ynn yhren schriff-
ten vnnd predigen / auß offenklicher götlicher schrifft anzeys-
gen/ Wie die zeytelich Obrikeyten von Got eyngegesetzt/ vñ got
mit dem

mit dem Schwerdt / zu straff der bösen / vnd trost der frömen /
 dienen / vnnnd wer solcher Obrigkeit ynn allem dem das czei-
 tlich ehr / leyß vnnnd gut betrifft / widderwertig vnnnd ungehor-
 sam ist / göttlicher ordnung widderstrebet / wie sich das Ro-
 ma. am xij. vnd an andern ortten mehr erfindet. Vnnnd mag
 also der leer nit schuld gegeben werden / das sich yhe zuczeyten
 etliche fleyschliche zuhörer / derselben gesunden gutten leer
 myßbrauchen / vnnnd zu eynem deckmantel yhrer bößheit cze-
 hen / Dann wie sich die glaubigen durch Christliche gutte ler-
 er / yhe mehr vnnnd mehr bessern / Also auch die fleyschlichen
 vnd vnglaubigen (so sie gleych gutte Christliche prediger ha-
 ben) sich derselben für vñ für ergern. Das sich aber doneben /
 auch falsche lerer eyngemischt / klagen die Apostel Christi bey
 yhren czeytten eben deßgleychen / wie sich ynn yhren Episteln
 an vil ortten / vnnnd sonst Luce xxiij. vnnnd Act. xxiij. erfindet.
 das damals auß verkündung des Euangelion grosse auffruhr
 entstanden / vnnnd das Euangelion cyn newe leer vnnnd Sect /
 durch die gottlosen Jüdischen Bischoff vnnnd Schrifftgeler-
 ten (wie yezo von etlichen Bepstlichen auch geschiet) ge-
 nant worden ist / vnnnd die heydnischen Obrigkeiten widder
 Christum vnnnd seyne ware Apostel / als solten sie derhalben
 auffrüher seyn / bewege haben / Damit also solcher beder gotlos-
 sen geschlecht eynhelliger schwarzgefederter geyst / deßer offen-
 licher vermerckt wirt. Wann wierwol Christus cyn fürst des
 frieden ist / auch seynen glawbigen frieden wünschet vnd ver-
 heyßet / So spricht er doch Johan. xiiij. das er den seynen nie /
 wie die welde / frieden gebe / Sonder das sie auff erden / gro-
 eüsserlichen vnfrieden gewartten / vnd alleyn ynn yhm frieden
 haben sollen / Wann er sey nie künen solchen eüsserlichen frie-
 den / sonder das schwerdt zusenden / mit klerlicher meldung /
 wie derhalb die negstgesipten freünde vnnnd hawßgenossen /
 widder eynander bewegt werden. Darumb i. Corinc. xv. hoff
 wir alleyn hie auff Christum / so seyn wir die elendesten vnter
 allen menschen.

Ln. 23.
 Act. 11.

Mat. x. xij. xiiij.
 Luce. xij.
 Joan. xv. xx.

So wissen auch alle weldeliche stende (als mans nenne)
 des Römischen Keychs Teütscher nation / wie sie auff eelichen
 e ij Keychstagen


Der Bepstschñ
 verursachte
 auffruhr.


Keychtagen/vnnd sonderlich yüngst zu Wormbs/vnd dar
 nach zu Nürnberg/ etliche vilfeltige der Bepstischen bes
 schwerung/so hoch vnnd als ganz vnleydlich bedracht/vers
 ceyhent/vnd abzustellen bey Keyserlicher Maiestat vñ dem
 Papsst gebeten haben/vnd wie verachtlich das alles/ von ge
 nanten geystlichen stenden gehalten wurde. Vnnd das darzu
 nachmals auff eynem Keychstag zu Nürnberg/ durch Key
 serliche vnd Bepstische Botschafften/sampt allen stenden des
 Keychs für nott angesehen/ das der strittigen leer halben/vñ
 sern heylgen glauben betreffent/auff eynem darnach bestymb
 en Keychstag geyn Speyer/sole gerattschlage vnd gehandelt
 worden seyn/Aber solchs darnach durch der Bepstischen pro
 curey (als die Joan. iij. das liecht fliehen) bey vnserm löblichen
 Keyser/dieweyl yr Maiestat weyt aus deütschen landen was/
 vnd rechter notturfft vnd gelegenheit nit/ genügliche vnder
 richtung gehabt/ abbracht haben/vnnd wolten ietzo/ wes sie
 dadurch vnd lang verdrukung Euangelischer warheit/ auff
 ruhr vnnd andere vbel verorsacht/ gern vff das Euangelion
 vnd desselben warhafftigen lerer/vnschuldiglichen dringen/
 vnnd damit verhasset machen/ So doch vnser verzeige war
 hafftige Euangelische lerer/ nit alleyn auffruhr widder die
 Obrigkeit zuvermeyden/gebieten/ Sonder auch darzu diesel
 ben auffrüer/durch das czeilich von got verordent schwert/
 ordenlich zustraffen/ für nöttig anzeygen/ auch dieselben
 straffer derhalben preysen/als wir auch die hewetigs tags/der
 halben loben/vnnd zu loben schuldigt sindt. Klagen aber al
 leyn das/das die Bepstischen vil warhafftiger Euangelischer
 lerer vnd anhenger/derselben Euangelischen leer/mit gefengts
 nuß/schatzung/hencker vnnd schwerdt peynigen/vnd vnder
 stehen dieselben mit yhrer Tyranny/ von dem hellen wortte
 gots zudüngen vnd verpflichten/vnd messen derselben ganz
 vnerfindlich zu/ als solten sie derhalb auffrüerisch seyn. Vnd
 wes sie solcher straff zuthun nit vermögen/ bewegen sie durch
 gemelt yhr betrieglich vnwarlich fürgeben/ etliche czeyteliche
 Obrigkeiten yne dergleychen zuverhelffen/vnd dörfen darzu
 an etlichen orten/andere gutte Christen/die weyt von solcher
 verklagung sind/mit wissentlichen lügen beschuldigen/ man
 wol sie


Wie die Euäge
 lischen auffru
 bbieten/vñ der
 halb gebührende
 straff/loben.

Vnwarhaftige
 beschuldigug/
 so den euangeli
 schen lerern vñ
 anhangern zc
 von den bepsti
 schen geschiet.

wol sie von yhrem alten glauben (als sie den nennen) mit der
that dringen/vnnd damit vnderstehen/desten grössere verfol-
gung des hellen wort gots/als vil yhe möglich ist anzurich-
ten. Wie dann des / nie alleyn ynn Deütschen landen / son-
der auch ynn etlichen andern Nationen/ offentliche grosse ge-
schicht (das billich eynen yeden frömen Christen zu mensch-
lichem mitleyden/vnnd dawider Christliche vermanung zu
ethun bewegt) kündig vnnd offensar sindt. Darauß auch diß
kurtz schreyben/wiewol derhalben vor mer büchleyn außgan-
gen sind verursacht worden ist. (des auch der / so es darumb
getrewer Christlicher meynung hat außgeen lassen / zur not-
turfft nie laugen wirt) wan alleyn seyn grunde vnd meynung
ist/das dadurch die zeytelichen Öbrigkeiten vnd andere/ desten
baß möchten gewarnet seyn/sich vor der verführung offgemel-
ter abtreter vom glawben / anhangern den yrrigen geystern
vnd leren der teüfel/gleysnern/lügenredern/ vnd Brandmaa-
leter gewissen zuhüten/ vnnd die öbrigkeiten notturfftige chris-
tenliche verhör bedertheyl (der Bepstischen Beger nach) nie
wegerten/vñ wider gotes wort thetliche handlūg vermeiden/
diuweyl doch yn diesen fellen/die vnschuldigen/waren/besten-
digen Christen/selig / aber die beharlichen streffer verthūmbe
werden. Vñ kan dise streffer/ gute meynūg oder vnwissenheit/
als wenig furtragen/als die yenen/die die Apostel verfolgten/
vñ (Johan.xvi.) meyneten/sie theten got eynen dynst daran/
entschuldigt werden mögen / Sonder Matth.xxv. was dem
mynsten Christgelaubigen geschiet/Christus als ym selbst ge-
than/annympt. Darumb was hülffes / so eyner die ganzen
welt gewonne/vñ seyn seel verlüre/So spricht yhe die schrift/
das die vbelthūnden gewaltige odder mechtige peyn leyden
werden. Gott der hymelisch vater wolle/alle öbrigkeyten/zu
warhafftiger christlicher erkantnus vñ Regirūg/ desgleichen
auch alle vnderthan/als schuldige gehorsame Christn/ durch
seynen geyst (den er Luce.xi.den bitenden/die Ioan.xxv. In sey-
nem wore bleyben) gibet/gnediglichñ erleuchten/ durch Ihesū
Christum seynen geliebten/eynigen/götlichen Sohne/vnsern
Herrn Amen.







8

L

102

